



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԱՐԱԳԱԾՈՏՆԻ ՄԱՐԶՊԵՏ

Կ Ա Ր Գ Ա Դ Ր ՈՒ Թ Յ ՈՒ Ն

2017թ. օգոստոսի 11

N 156 -Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԱԳԱԾՈՏՆԻ ՄԱՐԶԻ ԱՇՏԱՐԱԿ ՔԱՂԱՔԻ ՊԵՐՃ ՊՈՈՇՅԱՆԻ ԱՆՎԱՆ N 3 ՀԻՄՆԱԿԱՆ ԴՊՐՈՑՈՒՄ ՑՈՒՑԱԴՐԱԿԱՆ ՀԱՏՈՒԿ ՏԱԿՏԻԿԱԿԱՆ ՈՒՍՈՒՄՆԱՎԱՐԺՈՒԹՅՈՒՆ ՆԱԽԱՊԱՏՐԱՍՏԵԼՈՒ ԵՎ ԱՆՑԿԱՑՆԵԼՈՒ ՄԱՍԻՆ

Ղեկավարվելով Հայաստանի Հանրապետության Նախագահի 1997 թվականի մայիսի 6-ի ՆՀ-728 հրամանագրի 1.6 կետով և հիմք ընդունելով Հայաստանի Հանրապետության Արագածոտնի մարզպետի 2016 թվականի դեկտեմբերի 28-ի N177-Ա որոշմամբ հաստատված Հայաստանի Հանրապետության Արագածոտնի մարզի բնակչության պաշտպանության և քաղաքացիական պաշտպանության համակարգերի նախապատրաստման 2017 թվականի հիմնական միջոցառումների պլանի 6.2.1 կետի պահանջները՝

ԿԱՐԳԱԴՐՈՒՄ ԵՄ՝

1. 2017 թվականի սեպտեմբերի 7-ին Հայաստանի Հանրապետության Արագածոտնի մարզի Աշտարակ քաղաքի Պերճ Պոռոջանի անվան N 3 հիմնական դպրոցում անցկացնել ցուցադրական հատուկ տակտիկական ուսումնավարժություն «Որոնողափրկարարական աշխատանքների կազմակերպում և իրականացում երկրաշարժի հետևանքով փլուզված շենքում» թեմայով:
2. Ուսումնավարժությանը ընդգրկել՝ Հայաստանի Հանրապետության արտակարգ իրավիճակների նախարարության փրկարար ծառայության Արագածոտնի մարզային փրկարարական վարչությանը և Աշտարակի հրշեջ փրկարարական ջոկատից երկու մարտական հաշվարկ, Հայաստանի Հանրապետության ոստիկանության Արագածոտնի մարզային վարչության Աշտարակի բաժնից մեկ պարեկային խումբ, Հայաստանի Հանրապետության ճանապարհային ոստիկանության 2-րդ սպայական գումարտակի 2-րդ վաշտից մեկ հաշվարկ, «Աշտարակի բժշկական կենտրոն» փակ բաժնետիրական ընկերության շտապ օգնության գծային մեկ բրիգադ, «Հայաստանի էլեկտրական ցանցեր» փակ բաժնետիրական ընկերության «Մուսալեռ» մասնաճյուղի Աշտարակի շրջանային

էլեկտրոցանցից մեկ վթարային խումբ, <<Գազպրոմ Արմենիա>> փակ բաժնետիրական ընկերության Արագածոտնի գազամատակարարման, գազաֆիկացման մասնաճյուղի Աշտարակի տարածքային տեղամասից մեկ վթարային խումբ և դպրոցի կազմավորումներին:

3. Սահմանել որ՝

- 1) ուսումնավարժության ղեկավար հանդիսանում է Հայաստանի Հանրապետության Արագածոտնի մարզպետը,
- 2) ուսումնավարժության ղեկավարի տեղակալ հանդիսանում է Հայաստանի Հանրապետության Արագածոտնի մարզպետի տեղակալը,
- 3) ուսումնավարժության ղեկավարման շտաբի պետ հանդիսանում է Հայաստանի Հանրապետության արտակարգ իրավիճակների նախարարության փրկարար ծառայության Արագածոտնի մարզային փրկարարական վարչության պետը:

4. Հաստատել՝

- 1) ցուցադրական հատուկ տակտիկական ուսումնավարժության ղեկավարման շտաբի կազմը՝ համաձայն N 1 հավելվածի,
- 2) ցուցադրական հատուկ տակտիկական ուսումնավարժության նախապատրաստման օրացուցային պլանը՝ համաձայն N 2 հավելվածի:

5. Ուսումնավարժության ղեկավարման շտաբի պետին՝

- 1) ապահովել ուսումնավարժության նախապատրաստման և անցկացման փաստաթղթերի ժամանակին մշակումը և մինչև 2017 թվականի օգոստոսի 25-ը ներկայացնել ուսումնավարժության ղեկավարի հաստատմանը,
- 2) կազմակերպել ուսումնավարժության մասնակիցների նախապատրաստումը՝ համաձայն հաստատված օրացուցային պլանի,
- 3) մինչև 2017 թվականի սեպտեմբերի 5-ը զեկուցել ուսումնավարժության անցկացմանը պատրաստ լինելու մասին,
- 4) ուսումնավարժության անցկացման ավարտից հետո եռօրյա ժամկետում ուսումնավարժության ղեկավարի հաստատմանը ներկայացնել արդյունքների ամփոփման արձանագրությունը:


6. Ուսումնավարժության ղեկավարի տեղակալին՝

- 1) անհրաժեշտության դեպքում ուսումնավարժության ղեկավարման շտաբին ապահովել գործնական միջոցառումների իրականացման համար անհրաժեշտ նյութատեխնիկական միջոցներով:

7. Գործնական միջոցառումների խմբի ղեկավարին՝

- 1) ապահովել համագործակցությունը ուսումնավարժությանը ներգրավվող ուժերի հետ գործնական միջոցառումների տեղամասերի նախապատրաստման հարցերով,

- 2) ապահովել իրականացվող գործնական միջոցառումների ընթացքում անվտանգության կանոնների պահպանումը մասնակիցների կողմից: Կանոնների խախտման դեպքում անհապաղ դադարեցնել իրականացվող գործողությունները և միջոցներ ձեռնարկել դրանց վերացման համար:
8. Ուսումնավարժության մասնակիցներին՝
- 1) համալրել անձնակազմը համապատասխան գույքով և հանդերձանքով,
 - 2) ուսումնավարժության նախապատրաստման հարցերով համագործակցել ուսումնավարժության ղեկավարման շտաբի հետ,
 - 3) ուսումնավարժության անցկացման ընթացքում խստագույնս պահպանել անվտանգության կանոնները,
 - 4) պատրաստ լինել զեկուցելու ուսումնավարժության ընթացքում կատարած միջոցառումների մասին:
9. Սույն կարգադրության կատարման հսկողությունը դնել ուսումնավարժության ղեկավարի տեղակալի վրա:
10. Սույն կարգադրությունը հայտարարել ըստ առնչության:



Ա.ՍԻՄՈՆՅԱՆ